

Esaki bou di e lema “Happy Energy Island” Prof. dr. Ockels ta bay yuda converti Aruba den un isla 100% duradero



Diadomingo awor e bapor di bela di cero emision Ecolution ta yega Aruba pa tres or di atardi y ta mara na e pier di Renaissance. Ex-atronauta Prof. dr. Wubbo Ockels y su tripulacion entre nan e estudiante Arubiano Javier Sint Jago ta yega Aruba, nan destino final cumpliendo asina cu e mision poni nan dilanti. Na Aruba ta spera nan un caluroso bon bini. Presente na e ceremonia diadomingo ta tambe Minister Plasterk di Relacionnan di Reino, kende ta na Aruba riba un bishita di trabou. Den un carta Prof. dr. Ockels ta wak bek riba e biahe cu a dura un poco mas largo cu nan a pensa pa motibo di contratiempo cu nan a haya nan mes confronta cu ne den



cuminsamento. Contratiempo cu sin mucho problema a wordo supera. E ta skirbi cu yegando Aruba e ‘maiden trip’ di Ecolution a yega su fin. Ecolution ta e laso cu ta fortifica e relacion entre Aruba y Hulanda den Reino. Ecolution ta keda tres luna Aruba pasobra cu Ockels ta compromete su mes pa yuda converti Aruba den un isla duradero bou di e lema ‘Happy

Energy Island’. Manera ya ta conoci gobierno di Aruba kier haci e isla completamente independiente di combustibel fosil na 2020. Ockels ta haya esaki un ambicion excepcionalmente halto. Cu esaki Aruba ta tuma un posicion di pionero y ehemplar pa e otro islanan di Caribe. Ecolution ta hunga den esaki e papel di icono di durabilidad. E biahe riba ocean ta un realidad. Ecolution a demostra di ta un barco sigur. El a pasa den tormenta cu biento te cu 60 nudo. Tambe Ecolution a demostra cu e ta un bapor autonomo. Ni un druppel di diesel a wordo uza durante e biahe. Tur cos a wordo haci cu energia duradero. Asina entre otro a traha 50 pan, a destila 1500 liter di awa cu a wordo uza pa cushina y baña, a traha 1500 copi di koffie, tur esaki durante un biaha di mas di 5 mil miya. Ockels ta bisa di ta masha orguyoso di su boto. E concepto a keda proba. Ockels den su carta ta enfatisa cu construi un boto asina manera Ecolution ta un trabou enorme. Aparte di e gastonan financiero, e input y pasion di otronan ta